

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), člana 29. stav 2. Zakona o ustanovama („Službeni list RBiH“, broj: 6/92, 8/93 i 13/94) i člana 33. alineja 9. Statuta JU Služba za zapošljavanje Zeničko-dobojskog kantona („Službene novine Zeničko-dobojskog kantona“, broj: 14/06, 1/11 i 2/12) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 23. sjednici održanoj dana 19.08.2015. godine, d o n o s i

ZAKLJUČAK

I.

Daje se saglasnost na Odluku Upravnog odbora JU Služba za zapošljavanje Zeničko-dobojskog kantona broj: 03-49-1-4681-2-2/15 od 18.08.2015. godine o razrješenju Ratka Orlandića dužnosti direktora JU Služba za zapošljavanje Zeničko-dobojskog kantona, prije vremena na koji je imenovan.

II.

Zaključak stupa na snagu danom donošenja.

Broj: 02-34-15852/15.

Datum, 19.08.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x JU Služba za zapošljavanje

Zeničko-dobojskog kantona (putem ministarstva),

1x Razrješeni, (putem ministarstva),

1x Upravni odbor JU Služba za zapošljavanje

Zeničko-dobojskog kantona (putem ministarstva),

1x a/a.

**JU SLUŽBA ZA ZAPOSŁJAVANJE ZENIČKO-DOBOJSKOG KANTONA**

Ulica Adolfa Goldbergera br.6 – 72000 Zenica, poštanski fah 97

Certifikat br. 44 100 087074

Broj: 03-49-1-4681-2-2/15.

Datum: 18.08.2015. godine

Na osnovu člana 33. stav (1) alineja 9. Statuta Službe za zaposłjavanje Zeničko-dobojskog kantona («Službene novine Zeničko-dobojskog kantona», broj 14/06, 1/11 i 2/12), a u vezi sa članom 33. Zakona o ustanovama („Sl. list R Bosne i Hercegovine“ broj: 6/92, 8/93 i 13/94) Upravni odbor JU Službe za zaposłjavanje Zeničko-dobojskog kantona na prvoj sjednici održanoj dana 18.08.2015. godine, **donosi**

ODLUKU

Ratko Orlandić, dipl.ecc. razrješava se dužnosti direktora JU Služba za zaposłjavanje Zeničko-dobojskog kantona prije vremena na koje je imenovan. Odluka stupa na snagu danom davanja saglasnosti Vlade Zeničko-dobojskog kantona na istu.

Obrazloženje

Pri razmatranju Izvještaja o izvršenju Finansijskog plana JU Služba za zaposłjavanje Zeničko-dobojskog kantona za 2014. godinu Skupština Zeničko-dobojskog kantona u svojstvu osnivača Zaključkom broj: 01-34-11372/15 od 20.05.2015. godine nije dala saglasnost na isti, te je naložila Vladi Zeničko-dobojskog kantona da preduzme odgovarajuće mjere za stabilizaciju stanja u JU Služba za zaposłjavanje Zeničko-dobojskog kantona, i da promijeni, odnosno izvrši smjenu direktora, Upravnog i Nadzorog odbora navedene ustanove.

Direktor je u proteklom vremenu kontinuirano opstruirao primjenu i provedbu odluka i zaključaka Vlade Zeničko-dobojskog kantona i to:

Direktor Službe Ratko Orlandić je spriječio da se primjeni Odluka Vlade Zeničko-dobojskog kantona o utvrđivanju visine osnovne plaće za rukovodioce u ustanovama i organima gdje je Vlada ili ministarstvo odgovorni javni službenik ili upravlja javnim kapitalom, i tako sebi obezbjedio isplatu znatno veće plaće nego što bi mu primjenom navedene odluke pripadala.

Opstruirao je provođenje Odluke broj: 02-14-7630/15 od 02.04.2015.godine o utvrđivanju visine osnovne plaće za rukovodioce u ustanovama i organima gdje je Vlada ili ministarstvo odgovorni javni službenik ili upravlja javnim kapitalom.

Direktor Službe Ratko Orlandić dopis Ministarstva za rad, socijalnu politiku i izbjeglice broj:09-14-7630/15 od 13.04.2015. godine nije proslijedio na Upravni odbor na primjenu i odlučivanje, već je **NEOVLAŠTEN**O odgovorio Ministarstvu i potpisao akt broj: 03-14-2265/15 od 22.04.2015.godine u kojem je naveo slijedeće:

„Upravni odbor ne može pristupiti izmjeni akata Službe bez izmjene Zakona o posredovanju u zaposłjavanju i socijalnoj sigurnosti nezaposlenih osoba (koji je lex specialis) koji izričito propisuje finansiranje i vezu Kantonalnih službi sa Federalnim zavodom za zaposłjavanje“, čime je u ime Upravnog odbora službe neovlašteno informirao resorno ministarstvo da odbija primjeniti navedenu odluku Vlade Zeničko-dobojskog kantona.

Upravni odbor Službe je po saznanju za navedeni dopis Ministarstva za rad, socijalnu politiku i izbjeglice odbacio tumačenje direktora iz gore navedenog akta, i odluku Vlade ZDK razmatrao na 32. sjednici koja je održana 13.05.2015.godine, te odlučio da će se Program mjera štednje i odluke koje je donijela Vlada ZDK

primjeniti na JU Služba za zapošljavanje Zeničko-dobojskog kantona i pod tačkom 4. donesena je slijedeća odluka:

„Ovom odlukom se utvrđuje visina osnovne plaće rukovodioca JU Služba za zapošljavanje Zeničko-dobojskog kantona u iznosu od 3 (tri) prosječne mjesečne neto plaće Zeničko-dobojskog kantona, prema podacima Federalnog zavoda za statistiku.

Ukupna dodatna primanja po svim osnovama iznose do 1 (jedne) prosječne mjesečne neto plaće Zeničko-dobojskog kantona, prema podacima Federalnog zavoda za statistiku“

Na 34. sjednici Upravnog odbora od 12.06.2015.godine donesena je odluka da se zatraži mišljenje Vlade ZDK po pitanju svih dodataka na osnovnu plaću direktora službe, jer je koeficijent na osnovu kojeg se obračunava plaća sadržavao dodatke na složenost i odgovornost koje nisu bili ranije sadržani u Pravilniku o radu službe, te je na taj način direktor Službe Ratko Orlandić obračunom osnovne plaće prekoračio zadani iznos od 3 (tri) prosječne mjesečne neto plaće Zeničko-dobojskog kantona, prema podacima Federalnog zavoda za statistiku i ponovno nije ispoštovao odluke Vlade Zeničko-dobojskog kantona.

U svoju odbranu direktor Službe Ratko Orlandić ponavlja navode koje je iznio u dopisu broj: 03-14-2265/15 od 22.04.2015.godine, navedenom naprijed:

Upravnom odboru službe je dao slijedeće tumačenje:

„ Da se ne može primjeniti Odluka Vlade iz Programa mjera štednje za 2014.godinu zbog toga što JU Služba za zapošljavanje Zeničko-dobojskog kantona nije organ uprave, ni kantonalna upravna organizacija, niti se finansira iz Budžeta Kantona. Služba za zapošljavanje Zeničko-dobojskog kantona primjenjuje federalni propis Zakon o posredovanju u zapošljavanju i socijalnoj sigurnosti nezaposlenih osoba ("Službene novine FBiH", broj 41/01, 22/05 i 9/08) kojim je utvrđeno finansiranje administrativnih troškova i ostvarivanje materijalne i socijalne sigurnosti nezaposlenih osoba, a sve u skladu sa prosječnom neto plaćom u Federaciji, a ne kantonalni propis, niti prosječnu neto plaću u Zeničko-dobojskom -kantonu.“

Dajući ovakvo tumačenje Upravnom odboru direktor Službe Ratko Orlandić doveo je isti u zabludu, te je Upravni odbor službe na osnovu ovog tumačenja donio Zaključak:

„Uzimajući u obzir gore sve navedeno, ovaj Upravni odbor ne može pristupiti izmjeni akata Službe bez izmjene Zakona o posredovanju u zapošljavanju i socijalnoj sigurnosti nezaposlenih osoba (koji je lex specialis) i izričito propisuje finansiranje i vezu Kantonalnih službi sa Federalnim zavodom za zapošljavanje. Zakonom o posredovanju u zapošljavanju i socijalnoj sigurnosti nezaposlenih osoba ("Službene novine FBiH", broj 41/01, 22/05 i 9/08) kojim je utvrđeno finansiranje administrativnih troškova i ostvarivanje materijalne i socijalne sigurnosti nezaposlenih osoba, a sve u skladu sa prosječnom neto plaćom u Federaciji, a ne kantonalni propis, niti prosječnu neto plaću u Zeničko-dobojskom kantonu.“

Direktor već duže vrijeme nije riješavao narušene međuljudske odnose uposlenih od kojih su neki slučajevi imali policijski i sudski epilog, a što mu je bila obaveza po Statutu Službe Član 44 alineja 19 (Brine se o radnoj i tehnološkoj disciplini) .

Osim toga, periodični finansijski izvještaj za period od 01.01. do 30.06.2015. godine pokazuje da je JU Služba za zapošljavanje ZDK negativno poslovala i pri tome iskazala deficit od od 1.973.997,00 KM.

Iz naprijed navedenih razloga Upravni odbor donio je predmetnu odluku.

PRAVNA POUKA: Protiv ove odluke nije dopuštena žalba, ali se može pokrenuti spor kod nadležnog Općinskog suda u Zenici u roku od 30 dana od dana prijema istog.

Dostaviti:

- 1x Ministarstvu za rad, socijalnu politiku i izbjeglice ZE-DO kantona
- 1x Vladi Zeničko-dobojskog kantona
- 1x Direktor Službe
- 1x Odjeljenju za pravne poslove
- 1x a/a



**PREDSEDNIK
UPRAVNOG ODBORA**

Emir Džafić, dipl. ecc